

21. i 25. Statuta Javne ustanove "Služba za zapošljavanje Kantona Sarajevo" Sarajevo, br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine, Vlada Kantona Sarajevo je, na 55. sjednici održanoj 25.08.2016. godine, donijela

### ODLUKU

#### O DAVANJU SAGLASNOSTI NA ODLUKU UPRAVNOG ODBORA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO O RAZRJEŠENJU DIREKTORA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO

##### I

Daje se saglasnost na Odluku Upravnog odbora Javne ustanove "Služba za zapošljavanje Kantona Sarajevo" Sarajevo broj 05/1-1205-UO/16 od 22.08.2016. godine da se Igor Kamočaji, profesor filozofije i sociologije, razrješi dužnosti direktora Javne ustanove "Služba za zapošljavanje Kantona Sarajevo" Sarajevo, prije isteka vremena za koji je imenovan, na lični zahtjev.

##### II

Odluka Upravnog odbora Javne ustanove "Služba za zapošljavanje Kantona Sarajevo" Sarajevo iz tačke I ove Odluke primjenjuje se danom dobijanja saglasnosti od strane Vlade Kantona Sarajevo.

##### III

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-25681-13/16  
25. augusta 2016. godine  
Sarajevo

Premijer  
**Elmedin Konaković, s. r.**

Na osnovu čl. 26. i 28. stav 2. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 29. Zakona o ustanovama ("Službeni list R BiH", br. 6/92, 8/93 i 13/94), člana 40a. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), člana 14. stav 2. Odluke o osnivanju Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", br. 11/12 - Prečišćeni tekst i 5/13), člana 21. Statuta Javne ustanove "Služba za zapošljavanje Kantona Sarajevo" Sarajevo, br.: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i člana 15. Pravilnika o proceduri izbora i imenovanja direktora Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 25/13), Vlada Kantona Sarajevo je, na 55. sjednici održanoj 25.08.2016. godine, donijela

### ODLUKU

#### O DAVANJU SAGLASNOSTI NA ODLUKU UPRAVNOG ODBORA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO O IMENOVANJU DIREKTORA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO

##### I

Daje se saglasnost na Odluku Upravnog odbora Javne ustanove "Služba za zapošljavanje Kantona Sarajevo" Sarajevo broj: 05/1-1187-UO/16 od 15.08.2016. godine da se **Midhat Osmanbegović**, diplomirani ekonomista, imenuje za direktora Javne ustanove "Služba za zapošljavanje Kantona Sarajevo" Sarajevo.

##### II

Direktor se imenuje na mandat od 4 (četiri) godine.

##### III

Odluka Upravnog odbora Javne ustanove "Služba za zapošljavanje Kantona Sarajevo" Sarajevo iz tačke I ove Odluke primjenjuje se danom dobijanja saglasnosti od strane Vlade Kantona Sarajevo.

##### IV

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-25681-14/16  
25. augusta 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Zaključka Vlade Kantona Sarajevo broj 02-05-28953-11/15 od 05.11.2015. godine i Sporazuma o saradnji na Projektu "Zeleni ekonomski razvoj" u dijelu koji se odnosi na aktivnost "Institucionalizacija energetskog upravljanja i akcioni plan energetske efikasnosti u Kantonu Sarajevo" broj 05-14-29747/15 od 13.11.2015. godine potpisanog između Ministarstva prostornog uređenja, građenja i zaštite okoliša Kantona Sarajevo i Razvojnog programa Ujedinjenih nacija (UNDP) Vlada Kantona Sarajevo je, na 55. sjednici održanoj 25.08.2016. godine, donijela

### ODLUKU

#### O OBAVEZONOM UNOSU PODATAKA I REDOVNOM IZVJEŠTAVANJU KRAJNJIH KORISNIKA O POTROŠNJI ENERGIJE I VODE U JAVNIM OBJEKTIMA KANTONA

##### Član 1.

(Predmet odluke)

Ovom odlukom propisuje se obaveza krajnjih korisnika javnih objekata Kantona Sarajevo da redovno unose podatke o potrošnji energije i vode u Informacioni sistem za upravljanje energijom (u daljem tekstu: EMIS) i o istom izvještavaju nadležno kantonalno ministarstvo, kako bi se na području Kantona Sarajevo omogućilo upravljanje energijom, troškovima i emisijama vezanih za potrošnju energije i vode u javnim objektima, te regulišu i druga pitanja od značaja za kontinuirani monitoring utroška i ušteda energije u javnim objektima.

##### Član 2.

(Definicija pojmova)

Pojmovi korišteni u odluci o obaveznom unosu podataka i redovnom izvještavanju krajnjih korisnika o potrošnji energije i vode u javnim objektima Kantona Sarajevo (u daljem tekstu: odluka) imaju slijedeće značenje:

- "*Energija*" jeste električna energija, toplotna energija i energenti koji se nalaze u prodaji: prirodni gas (uključujući i slučaj kada se nalazi u tečnom stanju), tečni naftni gas, ugalj, ulje za loženje i druga goriva za grijanje i hlađenje, kao i obnovljivi izvori energije;
- "*Energijska efikasnost*" je odnos između potrošene energije i ostvarenog efekta u uslugama, robi ili energiji;
- "*Energijski menadžer*" je osoba zadužena od strane kantonalnih javnih ustanova, preduzeća, zavoda i drugih javnih institucija koji se neposredno finansiraju iz Budžeta Kantona Sarajevo, koja ima obavezu da redovno prikuplja i mjesečno unosi u EMIS sistem podatke o potrošnji energije i vode u javnim objektima, priprema godišnji izvještaj koji dostavlja rukovodstvu i/ili nadležnom kantonalnom ministarstvu, analizira podatke o načinu korištenja energije i prati efekte provedenih mjera energetske efikasnosti;
- "*Informacioni sistem za upravljanje energijom (EMIS)*" predstavlja software aplikaciju za praćenje i analizu potrošnje energije i vode u zgradama javnog sektora, te služi kao instrument za odabranu rukovodstvo u cilju provođenja kontinuirane adaptacije i poboljšanja akcionih planova, te prioritizacije intervencija energetske efikasnosti i projekata;
- "*Javni objekt*" predstavlja zgradu (objekt) koju koriste organi vlasti i institucije (krajnji korisnici) koje velikom

broju ljudi pružaju javne usluge iz oblasti zdravstva, obrazovanja, kulture i sporta, socijalne zaštite, unutrašnjih poslova, pravde i uprave i dr.;

- f) "*Koordinator*" je osoba imenovana od strane nadležnog ministarstva koja ima obavezu da prati redovan unos podataka o potrošnji energije i vode od strane krajnjih korisnika, kreira i dostavlja nadležnom ministru godišnji izvještaj o potrošnji energije i vode za sve javne objekte unutar nadležnog ministarstva, po potrebi sumira dostavljene prijedloge i izvore finansiranja projekata energetske efikasnosti od strane krajnjih korisnika, kao i ostvarene uštede po pitanju realizovanih projekata energetske efikasnosti i o tome izvjesti nadležnog ministra, kako bi se na osnovu izvještaja i analiza donijeli ili ažurirali prijedlozi o pokretanju projekata energetske efikasnosti, donijeli ili ažurirali planovi i programi energetske efikasnosti na nivou nadležnog ministarstva ili Kantona Sarajevo;
- g) "*Mjere energetske efikasnosti*" su radnje i aktivnosti kojima se na provjerljiv, mjerljiv i procjenljiv način postiže poboljšanje energetske efikasnosti;
- h) "*Poboljšanje energetske efikasnosti*" je definisanje troškovno-optimalne izračunate ili izmjerene količine energije koja je potrebna za zadovoljavanje potražnje za energijom, povezano sa tipičnom upotrebom zgrade koja, između ostalog, uključuje i energiju koja se koristi za grijanje, hlađenje, ventilaciju, zagrijavanje tople vode i rasvjetu;
- i) "*Upravljanje energijom*" predstavlja praćenje i analiziranje potrošnje energije, provođenje energetske audita, energetske certifikaciju zgrada, provođenje mjera energetske efikasnosti, uspostavljanje i vođenje informacionog sistema za upravljanje energijom (energetsku efikasnost);
- j) "*Ušteda energije*" predstavlja smanjenje potrošnje energije u zgradama na godišnjem nivou kroz implementirane mjere energetske efikasnosti, pri istom ili poboljšanom nivou termalnog komfora.

Član 3.

(Krajnji korisnici)

- (1) Krajnji korisnici javnih objekata u Kantonu Sarajevo iz člana 1. ove odluke su: ustanove, preduzeća, zavodi i druge javne institucije koji se neposredno finansiraju iz Budžeta Kantona Sarajevo, odnosno ostale javne ustanove čiji je osnivač Kanton Sarajevo.
- (2) Izuzetno, krajnji korisnik javnog objekta u Kantonu Sarajevo može biti i nadležno kantonalno ministarstvo.

Član 4.

(Obaveze krajnjeg korisnika)

- (1) Krajnji korisnik obavezan je iz reda uposlenih imenovati najmanje jednu osobu - energetske menadžera i njegovog zamjenika za prikupljanje i unos podataka o potrošnji energije i vode u EMIS, kao i za redovno izvještavanje o potrošnji energije i vode od strane krajnjeg korisnika.
- (2) Izuzetno, ukoliko za neki javni objekat odabrani energetske menadžer nema pristupa podacima o potrošnji energenata u javnom objektu, unos tih podataka u EMIS obezbjeđuje odgovorna osoba koja je operativno zadužena za obradu mjesečnih računa o utrošcima energenata.
- (3) U slučaju spriječenosti energetske menadžera da obavlja poslove iz stava (1) ovog člana, iste poslove će obavljati njegov zamjenik.
- (4) Energetske menadžer ili njegov zamjenik ili odgovorna osoba koja ima pristup o računima obavezni su unositi mjesečne podatke o potrošnji energije i vode u EMIS najkasnije do kraja tekućeg mjeseca, za prethodni mjesec.
- (5) Ukoliko jedan javni objekat koristi više krajnjih korisnika, isti mogu po potrebi sporazumno imenovati jednog energetske menadžera i njegovog zamjenika i odgovornu osobu koja ima pristup podacima, odnosno računima za obavljanje poslova iz st. (1) i (2) ovog člana.
- (6) Krajnji korisnik je obavezan nadležnom ministarstvu dostaviti godišnji izvještaj o godišnjoj potrošnji energije i vode u

zgradama i drugim izgrađenim objektima koje koriste, najkasnije do 1. marta tekuće godine za prethodnu godinu.

- (7) Godišnji izvještaj iz stava (6) ovog člana, je sastavni dio EMIS-a, a energetske menadžer na osnovu unesenih podataka o potrošnji energije i vode, može na jednostavan način kreirati izvještaj.

Član 5.

(Obaveze energetske menadžera i rukovodstva krajnjeg korisnika)

Pored poslova iz člana 4. stav (1) ove odluke, energetske menadžer posebno ima obavezu da:

- a) prati i nadzire potrošnju energije i vode u javnom objektu,
- b) prati efekte provedenih mjera energetske efikasnosti,
- c) dostavlja redovne izvještaje (npr. kvartalno) i godišnji izvještaj o potrošnji energije i vode rukovodstvu, ovlaštenoj osobi, upravnom ili nadzornom odboru krajnjeg korisnika.
- d) Rukovodstvo krajnjeg korisnika ili druga ovlaštena osoba ispred korisnika, dostavlja nadležnom ministarstvu godišnji izvještaj o potrošnji energije i vode, najkasnije u roku koji je definisan u članu 4. stav (6) ove odluke.
- e) Rukovodstvo je odgovorno da uključi projekte energetske efikasnosti u finansijske i razvojne planove, priprema prijedloge i izvore finansiranja projekata energetske efikasnosti, te da o pripremljenim prijedlozima i izvorima finansiranja projekata energetske efikasnosti, ukoliko postoje, izvjesti nadležno ministarstvo u pisanoj formi, uz dostavljanje godišnjeg izvještaja iz člana 4. ove odluke.

Član 6.

(Obaveze koordinatora i nadležnog ministarstva)

- (1) Ministarstvo u čijoj je nadležnosti krajnji korisnik javnog objekta dužno je najmanje kvartalno izvršiti uvid u bazu podataka i osigurati unos podataka krajnjeg korisnika na mjesečnom nivou.
- (2) Za realizaciju aktivnosti iz stava (1) ovog člana i za kontrolu ispunjavanja obaveza krajnjeg korisnika iz člana 4. ove odluke nadležno ministarstvo je obavezno iz reda uposlenih imenovati najmanje jednu osobu - koordinatora i njegovog zamjenika.
- (3) U slučaju spriječenosti koordinatora da obavlja poslove iz stava (1) ovog člana, iste će obavljati njegov zamjenik.
- (4) Koordinator ispred nadležnog ministarstva će imati obavezu da:

- a) prati redovan unos podataka o potrošnji energije i vode od strane krajnjih korisnika javnih objekata, na način da će u bilo kojem momentu imati mogućnost da, u slučaju kada određeni javni objekat aplicira za budžetska sredstva za realizaciju projekata energetske obnove, uđe direktno u EMIS sistem i pregleda da li je taj javni objekat unio račune u posljednja 2-3 mjeseca, te u skladu s tim da saglasnost ili predloži mjere za neizvršavanje obaveza datim u članu 10. ove odluke),
- b) kreira i dostavlja nadležnom ministru godišnji izvještaj o potrošnji energije i vode za sve javne objekte unutar nadležnog ministarstva, a najkasnije do 1. aprila tekuće godine za prethodnu (godišnji izvještaj je sastavni dio EMIS-a i koordinator će na osnovu unesenih podataka o potrošnji energije i vode moći na jednostavan način kreirati izvještaj),
- c) po potrebi sumira dostavljene prijedloge i izvore finansiranja projekata energetske efikasnosti od strane krajnjih korisnika iz člana 5. stav (3) ove odluke, kao i ostvarene uštede po pitanju realizovanih projekata energetske efikasnosti i o tome izvjesti nadležnog ministra, kako bi se na osnovu izvještaja i analiza donijeli ili ažurirali prijedlozi o pokretanju projekata energetske efikasnosti, donijeli ili ažurirali planovi i programi energetske efikasnosti na nivou nadležnog ministarstva ili Kantona Sarajevo.

Član 7.

(Baza podataka)

- (1) Centralnu bazu podataka o potrošnji energije i vode svih krajnjih korisnika vodi Ministarstvo prostornog uređenja, građenja i zaštite okoliša Kantona Sarajevo koje ima pristup i

mogućnost pregleda, monitoringa i izvještavanja za sve javne objekte na području Kantona Sarajevo.

- (2) Ostala nadležna ministarstva Kantona Sarajevo imaju pristup i mogućnost pregleda, kontrole, monitoringa i izvještavanja za javne objekte iz svoje nadležnosti.

Član 8.

(Osnovne funkcije EMIS-a)

- (1) Osnovne funkcije EMIS-a su: prikupljanje i unos osnovnih podataka o objektima kao i kontrola potrošnje energije i vode na mjesečnoj osnovi, pohranjivanje i tabelarni prikaz podataka sa funkcijama filtriranja o građevinskim podacima objekta, pohranjivanje i tabelarni prikaz podataka sa funkcijama filtriranja sa jediničnim stavkama računa, olakšan pristup informacijama o potrošenoj energiji, načinu potrošnje i mjestima potrošnje, kalkulacije i analize potrošnje po različitim kriterijima, po energentu, emisijama, troškovima, vrsti objekta i sl., a u svrhu identifikiranja neželjenih i prekomjernih utroška energije i vode, identifikacija mogućnosti za povećanje energetske i finansijske uštede, verifikacija ostvarenih ušteda energije i vode, automatska obavještenja o postignutim ciljevima ili neželjenom potrošnjom, različite mogućnosti za različite nivoe korisnika, napredno filtriranje baze podataka, ispis podataka (u pdf ili excel datotekama), automatizirana izrada izvještaja sa grafičkim prikazima, akumuliranim podacima i statistikama, i dr.
- (2) Izuzetno, kod javnih objekata kod kojih se izvrši energetska obnova i implementiraju mjere energetske efikasnosti, može se ugraditi sistem automatskih brojlara, putem kojih EMIS ima mogućnost automatskog primanja i pohranjivanja podataka o potrošnji energije.
- (3) Sistem automatskih brojlara iz stava (2) ovog člana vrši očitavanja na satnom nivou, a najmanje jednom sedmično šalje podatke u EMIS bazu, koju krajnji korisnik javnog objekta može koristiti, dok će se podaci vezani za potrošnju energije i vode i dalje morati ubacivati u EMIS u skladu sa članom 10. stav (4) ove odluke.

Član 9.

(Odgovornost za provođenje odluke)

Za realizaciju ove Odluke zadužuje se rukovodilac krajnjeg korisnika javnog objekta i nadležno ministarstvo.

Član 10.

(Mjere zbog neizvršavanja obaveza)

- (1) Ukoliko krajnji korisnik javnog objekta ne izvrši obaveze definisane po čl. 4. i 5. ove odluke, isti je dužan, bez odlaganja, a najkasnije u roku od sedam dana od dana isteka krajnjeg roka za unos mjesečnih podataka o potrošnji energije i vode u EMIS, odnosno u roku od sedam dana od dana isteka krajnjeg roka za dostavu godišnjeg izvještaja o potrošnji energije i vode za prethodnu godinu, dostaviti nadležnom ministarstvu pisanu obavijest o razlozima neizvršavanja obaveza.
- (2) Ministarstvo u čijoj nadležnosti se nalazi javni objekt razmatra pisanu obavijest iz stava (1) ovog člana, te u slučaju opravdanih razloga može produžiti rok u kojem će krajnji korisnik izvršiti obaveze po čl. 4. i 5. ove odluke, a koji ne može biti duži od 60 dana.
- (3) Ukoliko krajnji korisnik bez opravdanog razloga ni nakon produženja roka iz stava (2) ovog člana ne izvrši obaveze po čl. 4. i 5. ove odluke, neće imati pravo apliciranja i korištenja sredstava iz Budžeta Kantona Sarajevo za realizaciju projekata energetske obnove, a o čemu ga nadležno ministarstvo pismeno obavještava.
- (4) U slučaju energetske obnove javnog objekta, krajnji korisnik istog nastavlja sa mjesečnim unosom podataka o potrošnji energije i vode u EMIS na način definisan u ovoj odluci, s ciljem monitoringa i verifikacije efekata primjene mjera energetske efikasnosti.
- (5) Ukoliko se krajnji korisnik javnog objekta za koji je izvršena energetska obnova ne bude pridržavao obaveze nastavka unosa mjesečnih podataka iz stava (4) ovog člana, ministarstvo u čijoj je nadležnosti javni objekt može odlučiti o smanjenju visine budžetskih sredstava koja su namijenjena za pokrivanje utroška energenata u tom objektu.

Član 11.

(Prijelazne i završne odredbe)

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-05-26072-5/16  
25. augusta 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Odluke kojom se daje saglasnost na zaključenje ugovora između Sarajevske regionalne razvojne agencije i UNION BANKE d.d. Sarajevo, broj: 02-05-25151-12/16 od 15.08.2016. godine, član 16. tačka f) i 17. stav (3) Zakona o poticaju razvoja male privrede ("Službene novine Kantona Sarajevo", broj: 29/15), čl. 3 stav (4) i 14. stav (6) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16 i 30/16) i Odluke, o usvajanju Programa utroška sredstava sa kriterijima raspodjele sredstava "Podsticaj razvoja male privrede" za 2016. godinu ("Službene novine Kantona Sarajevo", br. 20/16 i 32/16), Vlada Kantona Sarajevo je, na 55. sjednici održanoj 25.08.2016. godine, donijela

**ODLUKU**

**O UTVRĐIVANJU UKUPNOG IZNOSA SREDSTAVA I VISINI SUBVENCIONIRANE KAMATNE STOPE**

**I**

Utvrđuju se sredstva u ukupnom iznosu od 770.000,00 KM u svrhu subvencioniranja kamatne stope na kreditna sredstva koja se realizuju putem Sarajevske regionalne razvojne agencije, u okviru Kreditno - garantnog fonda SERDA.

**II**

Visina subvencionirane kamatne stope na kreditna sredstva iz člana I ove Odluke iznosi tri (3) p.p. (procentna poena) ugovorene kamatne stope na odobrena kreditna sredstva, za korisnike kredita čije je sjedište na području Kantona Sarajevo.

**III**

Sredstva za ovu namjenu terete poziciju Ministarstva privrede Kantona Sarajevo, razred 18, glava 01, potrošačka jedinica 0001, ekonomski kod 614300, subanalitika IAN041, FOND 047.

**IV**

Prava i obaveze između Kantona Sarajevo - Ministarstva privrede i Sarajevske regionalne razvojne agencije - SERDA d.o.o. će se regulisati posebnim ugovorom.

**V**

Ovlašćuje se ministar Ministarstva privrede da sa Sarajevskom regionalnom razvojnom agencijom - SERDA d.o.o. potpiše ugovor o subvencioniranju kamatne stope.

**VI**

Za realizaciju ove Odluke zadužuje se Ministarstvo privrede, Ministarstvo finansija Kantona Sarajevo i Sarajevska regionalna razvojna agencija - SERDA d.o.o.

**VII**

Odluka stupa na snagu danom donošenja, i objavit će se u "Službenim novinama Kantona Sarajevo".

Broj 02-05-26072-6/16  
25. augusta 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 10. stav (4) Zakona o poticaju razvoja male privrede ("Službene novine Kantona Sarajevo", broj 29/15) i člana 2. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br: 17/16 i 30/16), Vlada Kantona Sarajevo je, na 55. sjednici održanoj 25.08.2016. godine, donijela